

逸  
周  
書  
三







逸 周 書

(又作汲冢周書)

(三)

孔 晁 注

逸周書卷第六

晉孔晁注

周月解第五十一

時訓解第五十二

月令解第五十三

諡法解第五十四

明堂解第五十五

嘗麥解第五十六

本典解第五十七

周月解第五十一

惟一月既南至昏昴畢見日短極基踐長微陽動于

黃泉陰降慘于萬物

舊脫降字据通鑑前編補

是月斗柄建子始

昏北指陽氣虧草木萌蕩

前編作不萌蕩

日月俱起于牽牛



之初右回而行月周天進一次而與日合宿

進舊作起從沈

改

日行月一次而周天歷舍于十有二辰終則復始

是謂日月權輿周正歲首

舊作道沈改

數起于時一而成

于十次一爲首其義則然凡四時成歲有春夏秋冬

各有孟仲季以名十有二月中氣以著時應春三月

中氣

御覽所引春三下無月字下夏秋冬竝同

驚蟄春分清明

舊作雨水春分穀雨

非古法也說見下篇

夏三月中氣小滿夏至大暑秋三月中氣

處暑秋分霜降冬三月中氣小雪冬至大寒閏無中

氣斗指兩辰之間萬物春生夏長秋收冬藏天地之

正四時之極不易之道夏數得天百王所同其在商

湯用師于夏除民之災順天革命改正朔變服殊號

一文一質示不相沿以建丑之月爲正易民之視

本亦

作若天時大變亦一代之事亦越我周王致伐于商

改正異械以垂三統至於敬授民時巡狩祭享猶自

夏焉

前編祭作蒸

是謂周月以紀于政

### 時訓解第五十二

立春之日東風解凍又五日蟄蟲始振又五日魚上  
冰風不解凍號令不行蟄蟲不振陰姦陽魚不上冰  
甲冑私藏驚蟄之日獺祭魚又五日鴻鴈來又五日  
草木萌動獺不祭魚國多盜賊鴻鴈不來遠人不服

草木不萌動果蔬不熟雨水之日桃始華又五日倉

庚鳴又五日鷹化爲鳩桃不始華是謂陽否倉庚不

鳴臣不口主鷹不化鳩寇戎數起

古雨水在驚蟄後前漢未始易之後

人遂以習見妄改古書此舊本亦以雨水在前驚蟄在後非也今從沈正之下穀雨清明亦然御覽作桃始不華是謂否塞又云倉庫春分之日兮鳥至又五

災倉庚不鳴卽下不從上日雷乃發聲又五日始電兮鳥不至婦人不娠雷不

發聲諸侯失民不始電君無威震

娠字舊闕從御覽補失字亦舊闕從

後漢書補御覽又作電若不見卽國無威振振與震同

穀雨之日桐始華又五

日田鼠化爲鴛又五日虹始見桐不華歲有大寒田

鼠不化鴛國多貪殘虹不見婦人苞亂

御覽作亂色

清明

之日萍始生又五日鳴鳩拂其羽又五日戴勝降于

桑萍不生陰氣憤盈鳴鳩不拂其羽國不治兵戴勝

不降于桑政教不中

御覽作平

立夏之日螻蛄鳴又五日

蚯蚓出又五日王瓜生螻蛄不鳴水潦淫漫蚯蚓不

出夔奪后王瓜不生困於百姓

夔奪后御覽作臣奪后命又困作害

小

滿之日苦菜秀又五日靡草死又五日小暑至苦菜

不秀賢人潛伏靡草不死國縱盜賊小暑不至是謂

陰慝

御覽賢作仁不死作未死縱作從慝作匿

芒種之日螳螂生又五日

鷦始鳴又五日反舌無聲螳螂不生是謂陰息鷦不

始鳴令姦壅偪反舌有聲佞人在側夏至之日鹿角

解又五日蝟始鳴又五日半夏生鹿角不解兵革不

息蝟不鳴貴臣放逸半夏不生民多厲疾小暑之日

溫風至又五日蟋蟀居辟又五日鷹乃學習溫風不

至國無寬教蟋蟀不居辟急迫之暴鷹不學習不備

戎盜御覽作溫風不至卽時無緩蟋蟀不居大暑之

日腐草化爲螢又五日土潤溽暑又五日大雨時行

腐草不化爲螢穀實鮮落土潤不溽暑物不應罰大

雨不時行國無恩澤御覽作土潤不溽暑卽急應之

句皆有立秋之日涼風至又五日白露降又五日寒

蟬鳴涼風不至國無嚴政白露不降民多邪病寒蟬



不鳴人皆力爭

國字舊本無從御覽增又邪作疾處  
又人皆作人臣藝文類聚邪作欬

暑之日鷹乃祭鳥又五日天地始肅又五日禾乃登

鷹不祭鳥師旅無功天地不肅君臣乃口農不登穀

暖氣爲災

御覽  
作凶

白露之日鴻鴈來又五日兮鳥歸又

五日羣鳥養羞鴻鴈不來遠人背畔兮鳥不歸室家

離散羣鳥不養羞下臣驕慢

御覽背  
作皆

秋分之日雷始

收聲又五日蟄蟲培戶又五日水始涸雷不始收聲

諸侯淫佚蟄蟲不培戶民靡有賴水不始涸甲蟲爲

害

御覽培作閉下同又佚作汰或洪字之訛民字舊  
作空圍從御覽補御覽別見一段云雷乃收聲不  
收聲卽人民不安又云諸侯驕逸蟄蟲坏戶不坏戶  
卽邊方不寧又云人靡有賴水始涸不始涸卽人多

疾病又云介蟲爲害

寒露之日鴻鴈來賓又五日爵

入大水化爲蛤又五日菊有黃華鴻鴈不來小民不

服爵不入大水失時之極菊無黃華土不稼穡霜降

之日豺乃祭獸又五日草木黃落又五日蟄蟲咸俯

豺不祭獸爪牙不長草木不黃落是爲愆陽蟄蟲不

咸俯民多流亡

御覽俯  
竝作附

立冬之日水始冰又五日地

始凍又五日雉入大水爲蜃水不冰是謂陰負地不

始凍咎徵之咎雉不入大水國多淫婦

謂舊作伏從  
御覽改又載

一段云立冬十月節水始冰若不冰即陰之有負地

始凍若不凍即災咎之徵野雞化爲蜃若不爲蜃即  
時多姪婦文昭案此惠氏所疑爲古本  
者也然避民字雉字當出唐人所更定  
小雪之日虹

藏不見又五日天氣上騰地氣下降又五日閉塞而

成冬虹不藏婦不專一天氣不上騰地氣不下降君

臣相嫉不閉塞而成冬母后淫佚大雪之日鳴鳥不

鳴又五日虎始交又五日荔挺生鳴鳥猶鳴國有訛

言虎不始交將帥不和荔挺不生卿士專權鳴鳥或

作鴟鳴禮記坊記作盍旦夜鳴求旦之鳥也御覽鳴

作鴟亦可通本或作鴟或作鴟皆誤猶鳴六字及將

帥四字舊闕今從御覽補又荔挺不生御覽作不出

惠云康成以荔挺連讀顏之推譏之不知周書已如

是冬至之日蚯蚓結又五日麋角解又五日水泉動

蚯蚓不結君政不行麋角不解兵甲不藏水泉不動

陰不承陽小寒之日鴈北向又五日鵲始巢又五日

雉始鵠鴈不北向民不懷主鵠不始巢國不寧雉不

始雉國大水

御覽載小寒十二月節鴈北鄉鴈不北鄉即臣不懷忠鵠始巢鵠不巢即邊方

不寧又曰一國不寧野雞始雉野雞不雉國乃大水

大寒之日雞始乳又五日

鷺鳥厲疾又五日水澤腹堅雞不始乳淫女亂男鷺

鳥不厲國不除兵水澤不腹堅言乃不從

宋本無疾字案下但

云鷺鳥不厲則上句亦本無疾字宋本是也御覽載大寒十二月中雞始乳雞不乳即姪婦亂男鷺鳥厲

疾鳥不厲疾即國不除姦水澤腹堅不腹堅即言無所從

月令解第五十三

闕文弢案蔡邕明堂月令論云月令篇名因天時制人事天子發號

施令祀神受職每月異禮故謂之月令所以順陰陽奉四時効氣物行王政也成法具備各從時月藏之

明堂所以示承祖考神明明不敢泄瀆之義故以明堂冠月令以名其篇戴禮夏小正則夏之月令也殷

人無文及周而備文義所說博衍深遠宜周公之所  
著也官號職司與周官合周書七十二篇而月令第  
五十三秦相呂不韋著書取月令爲紀號淮南王安  
亦取以爲第四篇改名曰時則故偏見之徒或云月  
令呂不韋作或曰淮南皆非也又案隋書牛宏傳云  
今明堂月令者鄭康成云是呂不韋著春秋十二紀  
之首章禮家鈔合爲記蔡邕王肅云周公所作周書  
內有月令第五十三卽此也案宏以今禮記中之月  
令卽是狂周書內者故云卽此與蔡邕說相符合邕  
以淮南時則在第四篇今却在第五篇其文與呂氏  
微異邕作月令問荅所云云者皆在呂氏不在淮南  
旣蔡邕牛宏有斯二證故今卽依呂氏十二紀首鈔  
出以補斯闕又宏傳云堂方一百四十四尺屋圓楣  
徑二百一十六尺太室方六丈通天屋徑九丈八闔  
二十八柱堂高三尺四向五色依周書月令論案  
明堂之制太平御覽引周書明堂疑不在此篇中

孟春之月日在營室昏參中旦尾中其日甲乙其帝  
太皞其神句芒其蟲鱗其音角律中太簇其數八其



味酸其臭羶其祀戶祭先脾東風解凍蟄蟲始振魚

上冰獺祭魚候鴈北

記作鴻鴈來

天子居青陽左个乘鸞

輅駕蒼龍載青旂衣青衣服青玉

記作倉玉下同

食麥與羊

其器疏以達是月也以立春先立春三日太史謁之

天子曰某日立春盛德在木天子乃齊立春之日天

子親率三公九卿諸侯大夫以迎春於東郊還乃賞

公卿諸侯大夫於朝

記乃字作反後竝同無諸侯二字呂氏無公字高誘注云三公

至尊坐而論道不嫌不賞故但言卿諸侯大夫

命相布德和令行慶施惠下

及兆民慶賜遂行無有不當迺命太史守典奉法司

天日月星辰之行宿離不忒

記作貸音下同

無失經紀以

初爲常是月也天子乃以元日祈穀于上帝乃擇元

辰天子親載耒耜措之參于保介之御閒參于記倒率三

公九卿諸侯大夫躬耕帝籍田記無田字案呂氏上農篇亦有田字天

子三推三公五推卿諸侯大夫九推記無大夫反執爵于

太寢三公九卿諸侯大夫皆御命曰勞酒是月也天

氣下降地氣上騰天地和同草木繁動記作萌動王布農

事命田舍東郊皆脩封疆審端經術善相丘陵阪險

原隰土地所宜五穀所殖以教道民必躬親之田事

既飭先定準直農乃不惑是月也命樂正入學習舞

乃脩祭典命祀山林川澤犧牲無用牝禁止伐木無

覆巢無殺孩蟲胎夭飛鳥無麇無卵無聚大衆無置

城郭揜骼靈骸

記作埋此音義竝同

是月也不可以稱兵稱兵

必有天殃兵戎不起不可以從我始

記無以字

無變天之

道無絕地之理無亂人之紀孟春行夏令則風雨不

時草木旱槁國乃有恐

記風雨作雨水旱槁作蚤落乃作時

行秋令則

民大疫疾風暴雨數至藜莠蓬蒿竝興

記民上有其字疾風作焱

風數至作總至

行冬令則水潦爲敗霜雪大摯首種不入

霜雪

記倒

仲春之月日在奎昏弧中旦建星中其日甲乙其帝

太皞其神句芒其蟲鱗其音角律中夾鍾其數八其

味酸其臭羶其祀戶祭先脾始雨水桃李華記作桃始華

蒼庚鳴鷹化為鳩天子居青陽太廟乘鸞輅駕蒼龍

載青旂衣青衣服青玉食麥與羊其器疏以達是月

也安萌芽養幼少存諸孤擇元日命民社命有司省

囹圄去桎梏無肆掠止獄訟是月也予烏至至之日

以太牢祀于高禘記祀作祠天子親往后妃率九嬪御乃

禮天子所御帶以弓韉授以弓矢于高禘之前是月

也日夜分雷乃發聲始電蟄蟲咸動啓戶始出呂氏啓戶

作開戶今凡字為漢唐人避諱改易者俱從禮記為正先雷三日奮鐸以令于

兆民曰雷且發聲奮鐸記作奮木鐸無于字又且作將有不戒其容止

者生子不備必有凶災日夜分則同度量鈞衡石角

斗桶

記作甬同

正權槩是月也耕者少舍乃脩闔扇寢廟

必備

記作畢備必畢古通用

無作大事以妨農功

記作以妨農之事

是

月也無竭川澤無漉陂池無焚山林天子乃獻羔開

冰先薦寢廟

獻記作鮮

上丁命樂正入舞舍采

記作習舞釋菜此舍

采與釋菜音義竝同高誘注呂覽云舍置也初入學官必禮先師置采帛於前以贄神也說非是

子乃率三公九卿諸侯大夫親往視之

呂氏無大夫

中丁

又命樂正入學習樂是月也祀不用犧牲用圭璧更

皮幣仲春行秋令則其國大水寒氣總至寇戎來征

行冬令則陽氣不勝麥乃不熟民多相掠行夏令則



國乃大旱煥氣早來蟲螟爲害

季春之月日在胃昏七星中旦牽牛中其日甲乙其  
帝太皞其神句芒其蟲鱗其音角律中姑洗其數八  
其味酸其臭羶其祀戶祭先脾桐始華田鼠化爲鴛  
虹始見萍始生天子居青陽右个乘鸞輅駕蒼龍載  
青旂衣青衣服青玉食麥與羊其器疏以達是月也  
天子乃薦鞠衣于先帝命舟牧覆舟五覆五反乃告  
舟備具于天子焉天子馬始乘舟薦鮪于寢廟乃爲  
麥祈實

次焉字記無呂氏有高注云焉猶於此也淮南作烏注又云烏猶安也

是月也

生氣方盛陽氣發泄牙者畢出萌者盡達不可以內

牙記與淮南作句

天子布德行惠命有司發倉窳賜貧窮振

乏絕

高注云窳地日窳記作廩

開府庫出幣帛周天下勉諸侯聘

名士禮賢者是月也命司空曰時雨將降下水上騰

循行國邑周視原野脩利隄防導達溝瀆開通道路

無有障塞田獵畢弋置罟羅網餒獸之藥無出九門

單弋記作畢翳

是月也命野虞無伐桑柘鳴鳩拂其羽戴任

降于桑

記作戴勝淮南作戴鴛

具挾曲蒙筐

高注云挾讀曰撲三輔謂之撲關東

謂之得曲薄也青徐謂之曲員底曰蒙方底曰筐文

弔疑蒙當是簾之訛筐一作篋或亦作簾形近致誤

后妃齊戒親東鄉躬桑禁婦女

無觀省婦使勸蠶事

記勸上有以字蠶事既登分繭稱絲效

功以其郊廟之服無有敢墮是月也命工師令百工  
審五庫之量金鐵皮革筋角齒羽箭幹脂膠丹漆無  
或不良百工咸理監工日號無悖於時無或作爲淫  
巧以蕩上心是月之末擇吉日大合樂天子乃率三  
公九卿諸侯大夫親往視之是月也乃合纍牛騰馬  
游牝于牧纍記作累淮南作牦犧牲駒犢舉書其數命國讎九  
門磔禳以畢春氣呂氏作國人讎行之是令而甘雨  
至三旬淮南亦有此句記無下同季春行冬令則寒氣時發草木  
皆肅國有大恐行夏令則民多疾疫時雨不降山陵  
不收行秋令則天多沈陰淫雨早降兵革竝起

孟夏之月日在畢昏翼中旦婺女中其日丙丁其帝

炎帝其神祝融其蟲羽其音徵律中仲呂其數七其

性禮其事視

此下呂氏有其性禮其事視二句記無案餘月亦不具當爲衍文

其味

苦其臭焦其祀竈祭先肺螻蝻鳴丘蚓出王瓜生苦

菜秀天子居明堂左个乘朱輅駕赤駟載赤旂衣赤

衣服赤玉食菽與雞其器高以脩

記作粗音義同

是月也以

立夏先立夏三日太史謁之天子曰某日立夏盛德

在火天子乃齋立夏之日天子親率三公九卿大夫

以迎夏於南郊還乃行賞封侯慶賜無不欣說

封侯慶賜

記作封諸侯慶賜遂行

乃命樂師習合禮樂命司馬贊傑雋遂

賢良舉長大

以司馬呂氏春秋作太尉記亦因之世多

案戴埴鼠璞云太尉固秦官所命冢宰司徒司空今

馬與太史樂正樂師澤人虞人四監之類皆周官也

不韋不過改周司馬為太尉耳蓋贊傑俊遂賢良與

行爵出祿雖非太尉之職而設儀辨位進賢興功制

織內封則大司馬之任也云云今據

此改太尉為司馬以復周公之舊行爵出祿必當

其位是月也繼長增高無有壞墮無起土功無發大

衆無伐大樹是月也天子始絺命野虞出行田原勞

農勸民無或失時勞農上記有命司徒循行縣鄙命

農勉作無伏于都伏記是月也驅獸無害五穀無大

田獵農乃升麥記作登麥登升一也今呂氏本作收

誤作大書据此益可見正文天子乃以彘嘗麥先薦



寢廟是月也聚蓄百藥靡草死

靡呂作糜

麥秋至斷薄刑

決小罪出輕繫蠶事既畢后妃獻繭乃收繭稅以桑  
爲均貴賤少長如一以給郊廟之祭服是月也天子  
飲酎用禮樂行之是令而甘雨至三旬孟夏行秋令  
則苦雨數來五穀不滋四鄙入保行冬令則草木早  
枯後乃大水敗其城郭行春令則蟲蝗爲敗暴風來

格秀草不實

記作蝗蟲爲災

仲夏之月日在東井昏亢中旦危中其日丙丁其帝  
炎帝其神祝融其蟲羽其音徵律中蕤賓其數七其  
味苦其臭焦其祀竈祭先肺小暑至螳蜋生鶡始鳴

反舌無聲天子居明堂太廟乘朱輅駕赤駟載赤旂

衣赤衣服赤玉食菽與雞其器高以狝養壯狡記作壯狡

音義同詩狡童毛傳云昭公有壯狡之志是月也命樂師脩鞀鞀鼓均琴

瑟管簫執干戚戈羽調竽笙壎篪飭鍾磬祝敵壎篪記作

箛命有司為民祈祀山川百原大雩帝用盛樂乃命

百縣雩祭記無祭字祀百辟卿士有益於民者以祈穀實

是月也農乃登黍天子以雛嘗黍呂氏是月也在農乃登黍之下誤今

從戴羞以含桃先薦寢廟令民無刈藍以染無燒炭

記作無暴布門閭無閉關市無索挺重囚益其食游

牝別其羣則絜騰駒班馬正高云馬正掌馬之官案記作馬政是月

也日長至陰陽爭死生分君子齊戒處必捨身欲靜  
無躁止聲色無或進薄滋味無致和退嗜慾定心志  
欲靜二字記無又  
退作節志作氣百官靜事無刑以定晏陰之所成

鹿角解蟬始鳴半夏生木堇榮是月也無用火南方  
可以居高明可以遠眺望可以登山陵可以處臺榭  
仲夏行冬令則雹霰傷穀道路不通暴兵來至行春  
令則五穀晚熟百膳時起其國乃饑行秋令則草木  
零落果實早成民殃於疫

季夏之月日在柳昏心中

記作昏  
火中

旦奎中其日丙丁

其帝炎帝其神祝融其蟲羽其音徵律中林鍾其數

七其味苦其臭焦其祀竈祭先肺涼風始至蟋蟀居

宇鷹乃學習腐草化為螢蚋

涼風記作溫風又居宇作居壁又腐草為螢無

化字蚋字高云蚋馬蛇也讀如蹊徑之蹊幽州謂之秦渠一曰螢火也案淮南無螢字觀注文疑此螢字

亦後人所增入說文引明堂月令曰腐艸為蠲蠲即蚋也

天子居明堂右个乘朱

輅駕赤駟載赤旂衣朱衣服赤玉食菽與雞其器高

以狗是月也命漁師伐蛟取鼉升龜取鼈

呂氏命作令今從記

下命四監同

乃命虞人入材葦

虞人記作澤人

是月也命四監大

夫合百縣之秩芻以養犧牲

記無夫字

令民無不咸出其

力以供皇天上帝名山大川四方之神以祀宗廟社

稷之靈為民祈福

記祀作祠又為民上有以字

是月也命婦官染

采黼黻文章必以法故無或差忒黑黃蒼赤莫不質

良勿敢僞詐

記作毋敢詐僞

以給郊廟祭祀之服以爲旗章

以別貴賤等級之度是月也樹木方盛乃命虞人入

山行木無或斬伐

或記作有古通用

不可以興土功不可以

合諸侯不可以起兵動衆無舉大事以搖蕩於氣

記作

以搖養氣無發令而干時以妨神農之事

干時二字記作待

水潦

盛昌命神農將巡功舉大事則有天殃

記無命字高氏注神農能

殖嘉穀後世因以名官記巡作持

是月也土潤溽暑大雨時行燒薶

行水利以殺草如以熱湯可以糞田疇可以美土疆

行之是令是月甘雨三至三旬二日

記無此三旬高注此云二日者

陰晦朔日也月十日一雨又二十日一  
季夏行春令

則穀實解落國多風欻民乃遷徙解記作鮮行秋令則上

隰水潦禾稼不熟乃多女災行冬令則寒氣不時鷹

隼早鷺四鄙入保寒氣記作風寒

中央土其日戊己其帝黃帝其神后土其蟲倮其音

宮律中黃鐘之宮其數五其味甘其臭香其祀中雷

祭先心天子居太廟太室乘大輅駕黃駟載黃旂衣

黃衣服黃玉食稷與牛其氣圜以拊記拊作闕

孟秋之月日在翼昏斗中旦畢中呂氏孟秋之月下有長日至四旬六

日又此句下有則立秋今皆依戴記去之斗中記作建星中其日庚辛其帝少皞

其神蓐收其蟲毛其音商律中夷則其數九其味辛

其臭腥其祀門祭先肝涼風至白露降寒蟬鳴鷹乃

祭鳥始用行戮

始用記倒

天子居總章左个乘戎路駕白

駱載白旂衣白衣服白玉食麻與犬其器廉以深是

月也以立秋先立秋三日太史謁之天子曰某日立

秋盛德在金天子乃齊立秋之日天子親率三公九

卿諸侯大夫以迎秋於西郊還乃賞軍率武人於朝

天子乃命將帥選士厲兵簡練桀雋專任有功以征

不義詰誅暴慢以明好惡巡彼遠方

巡記作順

是月也命

有司脩法制繕囹圄具桎梏禁止姦愼罪邪務搏執

命理瞻傷察創視折審斷

高氏於此句

決獄訟必正平

記作

端平戮有罪嚴斷刑天地始肅不可以贏是月也農乃

升穀天子嘗新先薦寢廟命百官始收斂完隄防謹

壅塞以備水潦脩宮室圻牆垣補城郭

高云圻讀如符猶培也記

作坏垣牆

是月也無以封諸侯立大官無割土地行重幣

出大使

封諸侯呂氏淮南皆無諸字今從記記作母以割地行大使出大幣今從呂氏淮南下二

句亦同

行之是令而涼風至三旬孟秋行冬令則陰氣

大勝介蟲敗穀戎兵乃來行春令則其國乃旱陽氣

復還五穀不實

復還木或作後還不實記作無實

行夏令則國多火

災寒熱不節民多瘡疾

呂氏脫國字記有



仲秋之月日在角昏牽牛中旦觜雋中雋記作其日

庚辛其帝少皞其神蓐收其蟲毛其音商律中南呂

其數九其味辛其臭腥其祀門祭先肝盲風至呂氏

風生案孟秋巳云涼風至何得候鴈來乎鳥歸羣鳥

此月又云涼風生故今從記改養羞天子居總章太廟乘戎路駕白駱載白旂衣白

衣服白玉食麻與犬其器廉以深是月也養衰老授

几杖行麋粥飲食麋記作乃命司服具飭衣裳文繡

有恆制有小大度有短長記作衣服有量必循其故

冠帶有常乃命有司呂無申嚴百刑斬殺必當無或

枉撓枉撓不當反受其殃是月也乃命宰祝巡行犧

牲巡記作視全具案芻豢瞻肥瘠察物色必比類量

小大視長短皆中度五者備當上帝其享天子乃儺

禦佐疾以通秋氣高云禦止也佐疾療也以犬嘗麻

先祭寢廟是月也可以築城郭建都邑穿竇窳脩困

倉窳記乃命有司趣民收斂務蓄菜多積聚乃勸種

麥若或失時行罪無疑若或失時本作無或失時記

是月也日夜分雷乃始收聲

螫蟲俯戶記無乃字俯殺氣浸盛陽氣日衰水始涸

日夜分則一度量平權衡正鈞石齊斗甬一記作同

是月也易關市來商旅入貨賄以便民事四方來雜

遠鄉皆至

入記作納古內入多通雜記作集

則財物不匱

記無物字淮南亦有

物字無

上無乏用百事乃遂凡舉事無逆天數

凡舉

則字

必順其時乃因其類

乃記作慎

行之是令白露降

三旬仲秋行春令則秋雨不降草木生榮國乃有恐

呂作有大恐

行夏令則其國乃旱蟄蟲不藏五穀復生

無呂

乃行冬令則風災數起收雷先行草木早死

季秋之月日在房昏虛中旦柳中其日庚辛其帝少

皞其神蓐收其蟲毛其音商律中無射其數九其味

辛其臭腥其祀門祭先肝候鴈來賓爵入大水爲蛤

菊有黃華豺則祭獸戮禽

記候鴈作鴻鴈又則作乃

天子居總章

右个乘戎路駕白駱載白旂衣白衣服白玉食麻與

犬其器廉以深是月也申嚴號令命百官貴賤無不

務入以會天地之藏無有宣出入記作丙二字本通用淮南亦作入乃

命冢宰農事備收呂無舉五種之要記作五穀淮南同藏帝

籍之收於神倉祇敬必飭是月也霜始降則百工休

乃命有司曰寒氣總至民力不堪其皆入室上丁命

樂正入學習吹命樂正三字記有呂及淮南皆無是月也大饗帝嘗

犧牲告備于天子合諸侯制百縣合呂作命淮南亦作合為來

歲受朔日與諸侯所稅於民輕重之法貢職之數以

遠近土地所宜為度說者以秦十月為正故於季秋即云為來歲受朔日以月令為

秦制今案天子頒朔於諸侯事固當豫爲之豈有將  
改歲而始頒朔哉孟冬云乃祈來年季冬云歲且更  
始雖以周爲子正巡狩祭饗猶  
自夏焉安得遽以爲秦制乎  
以給郊廟之事無有

所私是月也天子乃教於田獵以習五戎獲馬記作

政命僕及七駟咸駕載於旒蔡邕云七當爲六周官

故知六駟左傳亦言六駟天子馬六種種別有駟  
無言七者於記作旌同  
輿受車以級整設于屏外

高云輿衆也案記無嚮記作  
此字受作授淮南同  
司徒搢扑北嚮以誓之嚮記作

字淮南作北嚮以贊之  
天子乃厲服厲飾執弓操矢以射記無

二字又操作挾射作獵淮南作厲服厲飾  
命主祠祭禽於四方是月也草

木黃落乃伐薪爲炭螿蟲咸俯在穴皆瑾其戶穴記

乃趣獄刑無畱有罪收祿秩之不當者共養之不宜

者

上者字記及淮南皆無

是月也天子乃以犬嘗稻先薦寢廟

季秋行夏令則其國大水冬藏殃敗民多勦室

室記作噍

行冬令則國多盜賊邊境不寧土地分裂行春令則

暖風來至民氣解墮師旅必興

墮記作惰淮南作隋並同師旅必興淮南

同記作師興不居

孟冬之月日在尾昏危中旦七星中其日壬癸其帝

顓頊其神彗冥其蟲介其音羽律中應鍾其數六其

味鹹其臭朽其祀行祭先賢水始冰地始凍雉入大

水爲蜃虹藏不見天子居乎堂左个乘乎輅駕鐵驪

載乎旂衣黑衣服乎玉食黍與彘其器宏以弇

記作閼以

奄音義同是月也以立冬先立冬三日太史謁之天子曰

某日立冬盛德在水天子乃齊立冬之日天子親率

三公九卿大夫以迎冬於北郊還乃賞死事恤孤寡

是月也命太卜禱祠龜策占兆審卦吉凶記作命太史釁龜策

云云淮南作命太祝禱祀神於是察阿上亂法者則

罪之無有揜蔽記作是察阿黨則罪無有掩蔽意亦略同疑此爲呂氏增入淮南無此文

是月也天子始裘命有司曰天氣上騰地氣下降天

地不通閉塞而成冬呂氏無塞字記有時訓解亦有此字命百官謹蓋

藏命司徒循行積聚無有不斂坳城郭坳記作坏戒門閭

脩楗閉慎關籥固封璽楗記作鍵又關作管璽作疆備邊境完要

塞謹關梁塞蹊徑

蹊記作蹊

飭喪紀辨衣裳審棺槨之厚

薄營丘壟之小大高卑薄厚之度貴賤之等級

營記作塋

又小大薄厚俱倒

是月也工師效功

記工師上有命字淮南亦無

陳祭器

案度程無或作為淫巧以蕩上心必功致為上物勒

工名以考其誠工有不當必行其罪以窮其情

次工字記

作功是月也大飲蒸天子乃祈來年于天宗大割祠于

公社及門閭饗先祖五祀勞農夫以休息之

大割下本或有

牲字係衍文高注云大割殺牲也則本無牲字可知

記亦同饗先祖本或作饗禱祖詎高注云先祠公社

乃及門閭先祖先公後私之義也天子乃命將率講

武肄射御角力

肄記作習

是月也乃命水虞漁師收水泉



池澤之賦無或敢侵削衆庶兆民以爲天子取怨于  
下其有若此者行罪無赦孟冬行春令則凍閉不密  
地氣發泄民多流亡發泄記作上泄行夏令則國多暴風方  
冬不寒蟄蟲復出行秋令則雪霜不時小兵時起土  
地侵削

仲冬之月日在斗昏東壁中旦軫中其日壬癸其帝  
顓頊其神彗冥其蟲介其音羽律中黃鐘其數六其  
味鹹其臭朽其祀行祭先腎冰益壯地始坼鷓鴣鳴不  
鳴虎始交天子居彗堂太廟乘彗輅駕鐵驪載彗旂  
衣黑衣服彗玉食黍與彘其器宏以弇飭死事呂氏脫此

三字從記補

命有司曰土事無作無發蓋藏無起大衆以

固而閉發蓋藏起大衆地氣且泄是謂發天地之房

土事無作下記作慎毋發蓋毋發室屋及起大衆諸以固而閉無下發蓋藏起大衆六字且泄作沮泄諸

蟄則死民多疾疫

多記作必

又隨以喪命之曰暢月是月

也命闔尹申宮令審門閭謹房室必重閉

蔡邕云閭當作闔闔

尹內官宮中之門曰闔闔尹之職也閭里門非闔尹所主

省婦事無得淫雖有貴

戚近習無有不察

察記作禁

乃命大酋秣稻必齊麴蘖必

時湛饔必潔

饔記作燂

水泉必香陶氣必良火齊必得兼

用六物大酋監之無有差忒天子乃命有司祈祀四

海大川名原淵澤井泉

記無乃字呂及淮南皆有

是月也農有不

收藏積聚者牛馬畜獸有放佚者取之不詰山林藪

澤有能取疏食田獵禽獸者野虞教導之其有相侵

奪者罪之不赦相字呂無記及淮南皆有是月也日短至陰陽爭

諸生蕩君子齊戒處必弇記作處必掩身身欲寧去聲色禁

嗜慾安形性事欲靜以待陰陽之所定芸始生荔挺

出蚯蚓結麋角解水泉動日短至則伐林木取竹箭

記無林字淮南作伐樹木是月也可以罷官之無事者去器之無

用者記無上者字塗闕庭門閭庭記作廷築囿圉此所以助天

地之閉藏也記無所字仲冬行夏令則其國乃旱氛霧冥

冥雷乃發聲氛呂作氣訛行夏令則天時雨汁瓜瓠不成

國有大兵行春令則蟲螟爲敗水泉減竭民多疾病

蟲螟記作蝗蟲又滅作咸音義同又疾病作疥癘

季冬之月日在婺女昏婁中旦氐中其日壬癸其帝

顓頊其神乎冥其蟲介其音羽律中大呂其數六其

味鹹其臭朽其祀行祭先賢鴈北鄉鵲始巢雉雊雞

乳本作乳雉雊者訛案高注知呂與記同天子居乎堂右个乘乎輅駕

鐵驪載乎旂衣黑衣服乎玉食黍與彘其器宏以弇

命有司大雊旁磔出土牛以送寒氣征鳥厲疾乃畢

行山川之祀及帝之大臣天地之神祇行字地字記無是月

也命漁師始漁天子親往乃嘗魚先薦寢廟冰方盛

水澤腹堅

呂作水澤復無堅字高云復亦盛也復或作複凍重累也案時訓解作腹堅故不從

呂氏命取冰冰已入

記作冰以入

令告民出五種命司農計

耦耕事脩耒耜具田器

記作命農無司字

命樂師大合吹而

罷乃命四監收秩薪柴以供寢廟及百祀之薪燎

寢廟

記作郊廟

是月也日窮于次月窮于紀星迴于天數將幾

終歲將更始專於農民無有所使

歲將記作歲且又專於作專而

天

子乃與公卿大夫飭國典論時令以待來歲之宜

呂脫

公字記與淮南皆有

乃命太史次諸侯之列賦之犧牲以供皇

天上帝社稷之享乃命同姓之邦供寢廟之芻豢命

宰歷卿大夫至于庶民土田之數而賦之犧牲以供

山林名川之祀凡在天下九州之民者無不咸獻其力以供皇天上帝社稷寢廟山林名川之祀行之是令此謂一終三旬二日季冬行秋令則白露蚤降介蟲爲妖四鄰入保記作四鄙行春令則胎夭多傷國多固疾命之曰逆行夏令則水潦敗國時雪不降冰凍消釋

諡法解第五十四

維周公旦太公望開嗣王業建功于牧之野終將葬

乃制諡遂敘諡法

舊本作攻于牧野之中終葬乃制諡敘法今依史正義及通鑑前編

改正正義牧野無之字脫耳案王伯厚困學紀聞云周書諡法惟三月既生魄周公旦太師望相嗣王發

既賦憲受臚于牧之野將葬乃制作諡劉彥和雕龍  
哀弔篇其首云賦憲之諡蓋本此今所傳周書與六  
家諡法所載不諡者行之迹也號者功之表也車服  
同蓋今本缺誤

者位之章也注古者有大功則賜之善號以為稱也

舊車服下脫者字今案魏書甄琛傳所引及正義前  
編皆有今補入注脫賜之二字又稱作福今皆從正  
義陳云福義亦通如惟辟作福是以大行受大名細  
之福或疑是副字亦可備一說

行受細名行出於己名生於人注名謂號諡民無能

名曰神注不名壹善舊作一人無名曰神詭今稱善  
依史正義改正下不盡出

賦簡曰聖注所稱得人所善得實所賦得簡正義稱  
正義稱

編注賦一作副文昭案舊本作稱善口間曰聖缺處  
疑是無字所謂禹吾無閒然方與聖相稱此注本難

通敬賓厚禮曰聖注聖於禮也注厚非德象天地

曰帝注同於天地注義作天帝靜民則法曰皇注靜安

正義靜作靖注同二字本通論衡獨斷皇並作黃案黃帝亦作皇帝二字亦本通仁義所在

曰王注民往歸之注在正義注賞慶刑威曰君注能行四

者從之成羣曰君注民從之也注舊以此注接王字下

十字今据正義補案左氏昭廿八年成鱄論文王立

九德此諡法內皆見之賞慶刑威曰君亦其一也立

制及衆曰公注志無私也執應八方曰侯注所執行

八方應之也壹德不解曰簡注壹不委曲注案左氏昭

義作壹意平易不疵曰簡注疵多病也注疵正義作訾

不解曰簡平易不疵曰簡注疵多病也注疵正義作訾

毀案此注多字衍不信二字亦有訛又案諡有美有

平有惡此簡字不優於文而列於文之前蓋篇中錯

簡多矣史記正義本作兩排首排盡然後及次排列如



一重首鄧禹次吳漢賈復下一重首馬成次王梁陳  
俊蓋古法也後人不知改兩排爲一排而以上一  
下爲次正義與後漢書皆同此錯然正義中間又有  
爲後人所紛亂及脫漏者故今亦不能考之以復其  
舊此簡字在恭欽定襄經緯天地曰文注成其道也  
之前則固灼然可尋也

道德博聞曰文注無不知之舊本作博厚前編同今從正義學勤好

問曰文注不恥下問學勤正義同前編作勤學慈惠愛民曰文注

惠以成政也注政舊作文今從正義改愍民惠禮曰文注惠而有

禮舊作以錫民爵位曰文注舉可舉也正義作與同升也謝云注

不恥下問與同升二語直以注剛彊理直曰武注剛無

論語二事作解似反不該括注欲彊不撓理忠恕直無曲也于忠傳改正義撓作屈

下云懷忠恕正曲直文雖詭而理在直字上亦注威彊  
可證白虎通引禮記論法云強理勁直曰武

叡德曰武

**注**

思有德者叡也

正義叡作敵注云與有德者敵詛

克定

禍亂曰武

**注**

以兵征故能定

正義征作往

刑民克服曰武

**注**

法以正民能使服

以字從正義增

夸志多窮曰武

**注**

大志

行兵多所窮極

夸舊作大今從正義注極字舊作也今從正義前編

敬事供上

曰恭

**注**

供奉也尊賢貴義曰恭

**注**

尊事賢人寵貴義

士尊賢敬讓曰恭

**注**

敬有德讓有功既過能改曰恭

**注**

言自知也

舊詛言有智也

執事堅固曰恭

**注**

守正不移愛

民長弟曰恭

**注**

順長接弟

舊作安民今從正義改前編作愛人悌長注接本一

作按疑二字俱誤

執禮御賓曰恭

**注**

迎待賓也

御舊作敬正義前編俱作

御注亦釋御字也

芘親之闕曰恭

**注**

脩德以蓋之也尊賢讓

善曰恭

**注**

不專己善推於人也淵源流通曰恭

**注**

性

無所忌也

**注**

案正義以文武成康穆昭為次其淵源流通曰康在溫柔好樂曰康三句之前今錯

簡於此改康為恭非本文也又書正義引作淵源流

通曰禹案獨斷有堯舜禹湯之諡史正義僅有除殘

去虐曰湯一諡而此無之然案書湯誓釋文引照臨

馬融之說謂禹湯皆不在諡法中故今亦闕之

**注**

四方曰明以明照之譖訴不行曰明

**注**

逆知之故

不行威儀悉備曰欽

**注**

威則可畏儀則可象

**注**

馬融引此悉備

作表

大慮靜民曰定

**注**

思樹惠也

靜民前編作慈仁

安民大

慮曰定

**注**

以慮安民安民法古曰定

**注**

不失舊意也

純行不二曰定

**注**

行壹不傷

**注**

正義不二作不爽

諫爭不威曰

德

**注**

不以威拒諫也

**注**

諫爭舊作謀慮詭正義又有綏柔士民曰德注云安民以居安

士以事 辟地有德曰襄 取之以義甲冑有勞曰襄

言亟征伐有伐而還曰釐 知難而退 正義前編 伐俱作罰 質

淵受諫曰釐 深故能受 正義有小心 畏忌曰釐 釐 作僖二字本通用注云思

所當 博聞多能曰憲 雖多能不至大道 憲舊作獻 案正義博

文多能曰憲在良順二諡之後不與獻 聰明智哲曰 諡相比近故今定為憲前編亦作博文

獻 有通知之聰也 正義又有知質有聖曰 獻注云有所通而無蔽 溫柔聖

善曰懿 性純淑也 正義作賢善獨斷 五宗安之曰 前編皆作聖善

孝 五世之宗也 慈惠愛親曰孝 言周愛親族也 孝舊作釐與釐諡一類 正義作孝在五宗句下 秉德

協時二句之上案慈惠愛親於孝義為允於釐義太 闊故定從正義移此魏書甄琛傳云慈惠愛民

曰孝北史避唐諱改民為人注親族正義倒 協時

肇享曰孝注協合肇始也常如始秉德不回曰孝注

順於德而不違違舊作逆大慮行節曰考注言成其節考舊

訛作孝案正義此句在威祈二字之後不與孝諡連文而今本亦作孝此傳寫之誤也公羊隱元年疏引

此作考考成也正與注合故定從之執心克莊曰齊注能自嚴也資輔

供就曰齊注有所輔而共成也供就正義作就共係誤倒又注作資輔佐

而共成前編注與此合豐年好樂曰康注好豐年勤民事豐舊

正義作溫柔前編作溫良皆訛今依注改安樂撫民曰康注無四方之虞

令民安樂曰康注富而教之正義令作合安民立政曰成

注政以安之正義之作定布德執義曰穆注穆純也正義作故

訛穆穆中情見貌曰穆注性公露也敏以敬順曰頃注

疾於所敬順也正義順作慎注同二字本通用敏訓疾舊作無所不敬順也非案左氏昭

八年正義有祗勤追昭德有勞曰昭注能勞謙也昭

前編作明德正義謙作謹非容儀恭美曰昭注有儀可象行恭可

美舊本誤昭為勝脫此條在後圍宣二諡之上今案正義本在昭德上前編在明德下故移補此處後

勝諡一條則削之左氏釋文及聖聞周達曰昭注聖

正義竝引作威儀恭明曰昭聖聞周達曰昭注聖

聞通洽也聞舊作文詛注洽舊詛治正義保民者艾

曰胡注六十曰耆七十曰艾彌年壽考曰胡注大其

年也胡訓大也正義彊毅果敢曰剛注彊於仁義致

果曰毅今正義本脫此條故兩景追補前過曰剛注

勤善以補過也勤舊柔德考衆曰靜注成衆使安也

考正義作安非靜作靖本通用下同魏書源  
懷傳有柔直考終曰靖是相傳本不同也 恭已鮮

言曰靜注恭已正身少言而中恭舊作供注同寬樂

令終曰靜注性寬樂義以善自終治而無眚曰平注

無失闕之病也無眚舊作清省非正義注作無災罪也執事有制曰平

注不任意也有法度檢制故曰不任意也布綱治紀曰平

注施之政事案左氏昭廿二年正義治作持由義而濟曰景注用義

而成也布義行剛曰景注以剛行義也耆意大慮曰

景注耆強也舊脫此條正義前編皆有前編云耆如耆定爾功之耆謂意所期指又案獨斷

作致志清白守節曰貞注行清白執志固也獨斷守

大圖大慮克就曰貞注能大慮非正而何舊作非正不

守

隱無屈曰貞注坦然無私也作私今從正義猛以剛

果曰威注猛則少寬果敢行也於剛也係因下注而

詁今從正義改猛以彊果曰威注彊甚於剛也亦字衍有彊

毅信正曰威注信正言無邪也正義作彊義執正注

治典不殺曰祁注云秉常不衰此脫去祁獨斷作辟

土服遠曰桓注以武正定克敬勤民曰桓注敬以使

之勤民正義作動辟土兼國曰桓注兼人故啓土也

舊本以此注繫辟土服遠曰桓之道德純一曰思注

道大而德一也馬融引大省兆民曰思注大親民而

不殺大省舊作不省外內思索曰思注言求善也追



悔前過曰思注思而能改也柔質慈民曰惠注知其

性也愛民好與曰惠注與謂施也舊本脫此兩條今從正義前編補此

條又見獨斷魏書源懷傳亦引之柔質受諫曰慧注以虛受人舊慧

注作以惠愛惠案惠雖可通慧然與惠諡連文則易

混矣案正義上惠諡兩條在敬肅之上此慧諡在質

良之上本不附近前編始合置一處蓋由誤認慧即

惠也注又不知何人妄竄今悉依正義改正受諫正

義作愛諫能思辨衆曰元注別之使各有次也行義說民

曰元注民說其義始建國都曰元注非善之長何以

始之左氏昭十年正義始作好主義行德曰元注以義為主行德

政也兵甲亟作曰莊注以數征為嚴叡圍克服曰莊

注通邊圍使能服也勝敵志強曰莊注不撓故勝舊本

脫此條正義有左氏釋文志強作克亂正義作克壯死於原野曰莊注非嚴何

以死難屢征殺伐曰莊注以嚴釐之前編作屢武而

不遂曰莊注武功不成克殺秉政曰夷注秉政不任

賢也正義政作正注安心好靜曰夷注不爽正也左

僖廿八年正義引作安民好靖僖十五年正義民作人執義揚善曰懷注稱人

之善慈仁短折曰懷注短未六十折未三十夙夜警

戒曰敬注敬身思戒思戒正義夙夜恭事曰敬注敬

以莅事也象方益平曰敬注法之以常而加敬也正義

脫此條故兩烈諡相連不隔知是傳善合法典曰敬寫者誤脫耳注舊詭今從何允中本

注非敬何以善之善合舊倒今從前編法典史正義

述義不克曰丁注不能成義迷而不悌曰丁注不悌

不遜順也

述舊作述今從前編正義脫此條

有功安民曰烈注以武

立功秉德遵業曰烈注遵世業不墮改剛克爲伐曰

翼注伐功也思慮深遠曰翼注好遠思任能也正義注作

小心翼翼與此不同剛德克就曰肅注成其敬使爲終舊作成其不欲

使爲就訛執心決斷曰肅注言嚴果也愛民好治曰戴注

好民治也典禮不塞曰戴注無過塞正義作愆前編作慄音義竝同注

舊脫正義有死而志成曰靈注立志不夭命也亂而不損

曰靈注不能以治損亂正義注從極知鬼神曰靈注其智

能聰徹也不勤成名曰靈注任本性不見賢思齊死

見神能曰靈

**注**

有鬼不為厲

神舊作鬼前編同注舊無不字

好祭鬼

神曰靈

**注**

瀆鬼神不敬遠也

神正義作怪

短折不成曰殤

**注**

有知而夭殤也未家短折曰殤

**注**

未家者未室家

也

正義殤作傷不與上條相連又注作未娶也

不顯尸國曰隱

**注**

以闇主

國也

左傳釋文作不尸其國

隱拂不成曰隱

**注**

言其隱拂改其

性也

春秋傳隱拂同前編作隱括正義注不以隱括改其性獨斷又作違拂正義有見美堅長曰隱

注美過其令前編無之

年中早夭曰悼

**注**

年不稱志

前編年中倒注稱舊

作肆肆行勞祀曰悼

**注**

放心勞於淫祀言不脩德也

案

梁定元年疏引作肆行勞神日煬注放心舊作縱於心

恐懼從處曰悼

**注**

從處

言險圯也不思忘愛曰刺

**注**

忘其愛己者也復佞遂

過曰刺

**注**

去諫曰愆反是曰佞外內從亂曰荒

**注**

官

不治家不理

前編從作縱

好樂怠政曰荒

**注**

淫於聲色怠

於政事

顏師古引此荒作穰

在國逢難曰愆

**注**

逢兵寇之事也

正義作逢難

使民折傷曰愆

**注**

苛政賊害

折正義前編作悲非

在國

連憂曰愆

**注**

仍多大喪

正義前編連作遭非注仍正釋連字

禍亂方作

曰愆

**注**

國無政動長亂

前編脫此條

蚤孤短折曰哀

**注**

早

者未知人事恭仁短折曰哀

**注**

體恭質仁功未施也

蚤孤鋪位曰幽

**注**

鋪位卽位而卒也

鋪舊作有注鋪位作有喪今皆

從正義

壅遏不通曰幽

**注**

弱損不凌也

高誘引作壅遏不達蘇明允諡

法作壅遏不達注恐訛

動祭亂常曰幽

**注**

易神之班克威捷行

曰魏注有威而敏行克威惠禮曰魏注雖威不逆禮

也去禮遠注衆曰煬注不率禮不親長注長字疑是民好內遠

禮曰煬注朋淫于家不奉禮好內怠政曰煬注好內

多淫外則荒政注舊本去禮遠衆條下即接此注脫去

政一條今案此注為好內怠政正釋其為本有可知

左氏定元年正義正引此條前編亦有之但少好內

遠禮注甄心動懼曰頃注甄積也注案前有敏以敬慎曰

一條注連接舊本誤頃為威德剛武曰圉注圉禦也能禦亂

患也注史表六索隱剛作強聖善周聞曰宣注聞謂所聞善事也

治民克盡曰使注克盡無恩惠也注舊本使作空圍案

作使今行見中外曰慤注言表裏如一也勝敵壯志

据補

曰勇

**注**

不撓折

正義勝敵志強曰莊與莊諡五條皆連接此作勇脫簡於此誤

昭功

寧民曰商

**注**

明有功者也狀古述今日譽

**注**

立言之

稱

舊作言直人稱詛

心能制義曰度

**注**

制事得宜

度舊詛庶今從正義

與左傳合

好和不爭曰安

**注**

失在少斷

正義作生而少斷

外內貞

復曰白

**注**

正而復終始一也

前編外作分

不生其國曰聲

**注**

生於外家殺戮無辜曰厲

**注**

賊良善人官人應實

曰知

**注**

能官人也

前編應實倒

凶年無穀曰糠

**注**

不務稼

穡

漢書諸侯王表有中山糠王昆侈則諡法之有糠穡明矣師古注引好樂怠政曰糠則與前荒之諡相

同正義此糠字亦作荒文昭案美諡中有豐年好樂曰康此糠之惡諡正與相反古者三年耕必有一年

之食上苟勤於民事則緩急自當有備歲亦不能為之災糠之為言虛也注以不務稼穡為言可謂深得

制諡之旨師古所引或誤記耳若云後人屨入則穰  
虛也又明見下文人固有紛紛亂典籍者於理不應  
謬誤至此至正義之作荒則以二諡相次比而致誤耳名實不爽曰質注不爽

言相應也不悔前過曰戾注知而不改溫良好樂曰

良注言其行可好可樂也正義作言其人舊本作言人行今訂正怙威

肆行曰醜注肆意行威德正應和曰莫注正其德應

其和此亦成鱗所論九德之一正義勤施無私曰類在類諡前正合舊誤脫去今補

注無私惟義所在舊作勤政前編同正義作施勤今從左氏案此兩條及下美諡當本

在前不與惡諡雜廁今皆紛亂難以考而復矣好變動民曰躁注數移徙也

慈和徧服曰順注能使人皆服其慈和滿志多窮曰

感注自足者必不足也正義前編感俱作惑非也感古憾字注云云於憾之義正



合危身奉上曰忠注險不辭難也思慮果遠曰趕注

自任多近於專舊本果作深前編同云趕息政外交恐當作悍正義作明詛

曰攜注不自明而恃外也正義脫此條舊本攜作推

斷息疏遠繼位曰紹注非其次第偶得之也彰義掩作急

過曰堅注明義以蓋前過肇敏行成曰直注始疾行

成言不深也內外賓服曰正注言以正服之華言無

實曰夸注恢誕注疑有教誨不倦曰長注以道教之

也愛民在刑曰克注道之以政齊之以刑嗇於賜與

曰愛注言貪恠也逆天虐民曰抗注所尊天而逆天

抗舊說場案場謚在前已見此處正義前編皆作抗正義注作背尊大而逆之似詛好廉自克

曰節自勝其情欲也勝其舊作節以擇善而從曰

比北方善而從之好更改舊曰易變故改常名

與實爽曰繆言名美而實傷思厚不爽曰愿不

差所思而得也正義作思慮不爽曰厚前編貞心大

度曰匡心正而用察少舊作心正而隱哀之方景

武之方也舊脫方景武之方五字今從前施爲文也

施德除爲武也除惡正義作施德爲文除惡爲

爲作除亂今從蘇明允所引辟地爲襄服遠爲桓服舊作視剛克

爲發柔克爲懿履正爲莊有過爲僖發與伐同蘇明

施而不成爲宣惠無內德爲平無內德惠不成也

兩爲字舊作日又平作獻案獻爲美諡非也又此下  
舊有治而無眚爲平亂而不損爲靈由義而濟爲景  
三句案皆見前係重  
出正義亦有後二句  
失志無轉則以其明餘皆象也

**注**以其所爲諡象其事行也前編云失志無轉一作失忘無傳案正義無失

志以下八字注舊作以其明和會也勤勞也遵循也

爽傷也肇始也又治也康安也怙恃也享祀也胡大

也服敗也疑是伏也秉順也秉舊作康案康安也已見前今從正義但順字亦可疑

就會也憲過也錫與也典常也肆放也穰虛也叡聖

也惠愛也綏安也堅長也耆彊也考成也周至也懷

思也式法也布施也此三字舊脫正義有敏疾也捷克也載事

也彌久也自和會也此篇及史記正義皆爲後人所殺亂前編以下廣訓篇內字義非盡諡也

所載其去俗本亦無幾矣正義云以前周書諡法周代君王竝取作諡故全寫一篇以傳後學據此則正義所錄實出周書今故取以訂訛補缺云

### 明堂解第五十五

大維商紂暴虐脯鬼侯以享諸侯天下患之四海兆民欣戴文武是以周公相武王以伐紂夷定天下既克紂六年而武王崩成王嗣幼弱未能踐天子之位周公攝政君天下弭亂六年而天下大治乃會方國諸侯於宗周大朝諸侯明堂之位天子之位負斧扆南面立率公卿士侍于左右三公之位中階之前北面東上諸侯之位阼階之東西面北上諸伯之位西

階之西東面北上諸子之位門內之東北面東上諸  
男之位門內之西北面東上九夷之國東門之外西  
面北上八蠻之國南門之外北面東上六戎之國西  
門之外東面南上五狄之國北門之外南面東上四  
塞九采之國世告至者應門之外北而東上宗周明  
堂之位也明堂明諸侯之尊卑也故周公建焉而朝  
諸侯於明堂之位制禮作樂頒度量而天下大服萬  
國各致其方賄七年致政於成王

致政本或  
作致位

明堂方百一十二尺高四尺階廣六尺三寸室居中  
方百尺室中方六十尺戶高八尺廣四尺東應門南

庫門西皋門北雉門東方曰青陽南方曰明堂西方

曰總章北方曰彗堂中央曰太廟左爲左介右爲右

介御覽五百三十三引周書明堂云云實此之闕文今取以繫於後自戶高八尺廣四尺以上亦見隋

書宇文愷傳避諱中作內廣作博陳云徐鉉謂介不見義無以下筆明堂左右介當作介蓋本此

### 嘗麥解第五十六

維四年孟夏王初祈禱于宗廟乃嘗麥于太祖御覽八百

三十八引曰王初祈禱于岱宗乃嘗麥于廟汲郡古文謂成王四年正月初朝于廟夏四月初嘗麥是

月王命大正正刑書爽明僕告既駕少祝導王亞祝

迎王降階卽假于太宗少宗少祕于社各牡羊一牡

豕三惠半農云太宗少宗卽太宗伯少宗伯也少祕疑卽小史梁曜北云太宗顧命有之史導

王于北階王陟階在東序乃命太史尙大正卽居于  
戶西南向九州□伯咸進在中西向宰乃承王中升  
自客階作筴執筴從中宰坐尊中于大正之前太祝  
以王命作筴筴告太宗王命□□祕作筴許諾乃北  
向繇書于兩楹之間舊作內楹之門從沈改王若曰宗揜大正

昔天之初□作二后乃設建典命赤帝分正二卿命

蚩尤于宇少昊

路史云命蚩尤字于小顛

以臨四方司□□上天

未成之慶蚩尤乃逐帝爭于涿鹿之河九隅無遺

或河

當作阿梁處素云据史記五帝記注涿鹿山名阪泉地名一名黃帝泉至涿鹿與涿水合蓋所謂涿鹿之  
似不誤河河字赤帝大懼乃說于黃帝執蚩尤殺之于中冀

以甲兵釋怒用大正順天思序紀于大帝

舊校疑用是太常

名之曰絕轡之野乃命少昊清司馬鳥師以正五帝

之官故名曰質天用大成至于今不亂

清少昊名也見張衡集路

史引此亦作清舊作請訛成本或作戒

其在殷之五子忘伯禹之命假

國無正用胥興作亂遂凶厥國皇天哀禹賜以彭壽

思正夏略

殷當作夏汲郡古文帝啓十一年放王季子武觀于西河十五年武觀以西河叛彭

伯壽師師征西河武觀來歸沈約曰武觀卽五觀國語曰啓有五觀韋昭曰啓子太康昆弟也

今予

小子聞有古遺訓予亦述朕文考之言不易予用皇

威不忘祇天之明典令曰我大治用我九宗正州伯

教告于我相在大國有殷之曰辟自其作曰于古是



威厥邑無類于冀州嘉我小國小國其命余克長國

王

趙云國王疑倒

嗚呼敬之哉如木旣顛厥巢其猶有枝葉

作休爾弗敬恤爾執以屏助予一人集天之顯亦爾  
子孫其能常憂恤乃事勿畏多寵無愛乃囂亦無或  
刑于鰥寡非罪惠乃其常無別于民衆臣咸興受大  
正書乃降太史箴刑書九篇以升授大正乃左還自  
兩柱之間左沈疑右口箴大正曰欽之哉諸正敬功爾頌  
審三節無思民因順爾臨獄無頗正刑有掇夫循乃  
德式監不遠以有此人保寧爾國克戒爾服世世是  
其不殆維公咸若太史乃降大正坐舉書乃中降再

拜稽首王命太史正升拜于上王則退是月士師乃命太宗序于天時祠大暑乃命少宗祠風雨百享士師用受其馘以爲之資邑乃命百姓遂享于富無思民疾供百享歸祭閭率里君以爲之資野宰乃命家邑縣都祠于太祠乃風雨也宰用受其職馘以爲之資采君乃命天御豐穡享祠爲施大夫以爲資箴太史乃藏之于盟府以爲歲典

本典解第五十七

維四月旣生魄王在東宮

舊此下有召公二字衍

告周公曰鳴

呼朕聞武考不知乃問不得乃學俾資不肖永無惑

矣今朕不知明德所則政教所行字民之道禮樂所  
生非不念而知故問伯父周公再拜稽首曰臣聞之  
文考能求士□者智也與民利者仁也能收民獄者  
義也能督民過者德也爲民犯難者武也智能親智  
仁能親仁義能親義德能親德武能親武五者昌于  
國曰明明能見物高能致物物備咸至曰帝帝鄉在  
地曰本本生萬物曰世世可則□曰至至德照天百  
姓□驚備有好醜民無不戒顯父登德德降則信信  
則民寧爲畏爲極民無淫慝生民知常利之道則國  
彊序明好醜□必固其務均分以利之則民安□用

以資之則民樂明德以師之則民讓生之樂之則母  
之禮也政之教之遂以成之則父之禮也父母之禮  
以加于民其慈□□古之聖王樂體其政士有九等  
皆得其宜曰材多人有八政皆得其則曰禮服士樂  
其生而務其宜是故奏鼓以章樂奏舞以觀禮奏歌  
以觀和禮樂既和其上乃不危王拜曰允哉幼愚敬  
守以爲本典

逸周書卷第六

逸周書卷第七

晉孔晁注

官人解第五十八 王會解第五十九

官人解第五十八

王曰嗚呼大師朕維民務官論用有徵觀誠考言視

聲觀色觀隱揆德可得聞乎

案此篇亦見大戴禮名文王官人通篇皆文王

之言與此不同論大戴作倫字本通用大戴云倫有七屬屬有九用用有六徵一曰觀誠二曰考志三曰視中四曰觀色五曰觀隱六曰揆德盧辯注云倫理次也 周公曰亦有六徵嗚呼乃齊以揆之大戴云王曰於乎 一曰富貴者觀其有禮施貧賤者觀其有德守嬖寵者觀其不驕奢隱約

者觀其不懼懼其少者觀其恭敬好學而能悌其壯

者觀其廉潔務行而勝私其老者觀其思慎彊其所

不足而不踰觀其思大戴作觀其意憲下作慎強其

彊其所不定者觀其不踰所不足而不踰也周書舊本作慎而

字多訛今從大戴訂正父子之間觀其孝慈兄弟

之間觀其和友舊脫觀其孝慈兄弟之君臣之間觀

其忠惠鄉黨之間觀其信誠大戴作信憚盧省其居

處觀其義方舊作方省其喪哀觀其貞良省其出

入觀其交友省其交友觀其任廉盧注云任以設之

以謀以觀其智大戴云考之以觀其示之以難以觀

其勇煩之以事以觀其治臨之以利以觀其不貪濫

之以樂以觀其不荒

大戴臨作淹濫作藍不荒作不寧盧注云藍猶濫也

喜之

以觀其輕怒之以觀其重

怒舊口今從大戴補

醉之酒以觀其

恭從之色以觀其常

大戴恭作不從之色作縱之不失又

遠之以觀其

不二昵之以觀其不狎

大戴不狎作不貳不狎作不貳不狎作不

復徵其言以

觀其精

大戴作探取其志以觀其情此精當作情又大戴此下有考其陰陽以觀其誠覆其微言

以觀其信兩句

曲省其行以觀其備

此下大戴多一成字

此之謂觀誠

二曰方與之言以觀其志志殷以淵其氣寬以柔

舊

字不重殷作口大戴作志殷如浚注雖以浚為深字竊疑必淵之訛也舊本下句作其器寬以悌今從大

戴改其色儉而不諂其禮先人其言後人見其所不足

曰日益者也好臨人以色高人以氣賢人以言防其



所不足發其所能曰日損者也

兩日字從大戴增又大戴發作伐惠云古

字通

其貌直而不止其言正而不私

大戴不止作不侮

不飾其

美不隱其惡不防其過曰有質者也其貌曲媚其言

工巧飾其見物務其小證以故自說曰無質者也

大戴

曲媚作固嘔證作徵

喜怒以物而色不變

而舊作其從大戴改彼不變作不作

煩

亂以事而志不營深導以利而心不移臨懾以威而

氣不卑曰平心而固守者也喜怒以物而心變易煩

亂以事而志不治

大戴作裕

導之以利而心遷移臨懾以

威而氣慄懼曰鄙心而假氣者也

李善注東都賦引慄懼作慄慄設

之以物而數決敬之以卒而度應不文而辯曰有慮

者也

大戴數作邀與速同敬當為傲卒倉卒也大戴作驚之以卒而度料下句作不學而性辯近改

不學作不素

難決以物難說以守一而不可變困而不知

止曰愚依人也

大戴作難投以物難說以言知一如不可以解也困而不知其止無葬而

自慎曰愚慙者也案此亦當補言字以守一屬下句困舊訛因今据改依讀當為菱蔽也營之以

物而不誤犯之以卒而不懼置義而不可遷臨之貨

色而不過曰果敢者也

大戴不誤作不虞盧注云虞度也不過作不可營營猶亂

也末句作曰繫廉而果敢者也

移易以言志不能固已諾無決曰弱

志者也

移易當從大戴倒轉易音以歧反

順子之弗為喜非奪之弗

為怒沈靜而寡言多稽而險貌曰質靜者也

大戴險作儉古

通用屏言而弗顧自順而弗讓

上句舊脫而字大戴云辨言而不固今据補又

讓舊訛護亦非是而彊之曰妬誣者也舊作始誣訛今大戴作始

据大戴改 妬誣蓋本是妬誣故盧注云謂妬賢誣善必是校者見周書誤本因記一始字於妬字旁遂致衍耳今改

正微而能發察而能深寬順而恭儉溫柔而能斷果

敢而能屈曰志治者也大戴作徵清而能發度察而能盡曰治志者也少三句

華廢而誣巧言令色皆以無爲有者也此之謂考言

大戴無廢字○案詩廢爲殘賊王肅云廢大也張湛注列子楊朱篇同此亦當作大解令色下大戴衍足

恭一也四字 又言作志 三曰誠在其中必見諸外以其聲處其

實大戴實作氣 氣初生物大戴作初氣主 物生有聲此下亦作氣

聲有剛柔清濁好惡咸發于聲心氣華誕者其聲流

散心氣順信者其聲順節心氣鄙戾者其聲醒醜醒字

誤大戴作斯盧注云嘶當聲誤為斯

心氣寬柔者其聲溫和

大戴作溫好

信

氣中易義氣時舒和氣簡備勇氣壯力

大戴和作智力作直聽

其聲處其氣考其所為觀其所由

大戴有察其所安一句

以其

前觀其後以其隱觀其顯以其小占其大此之謂視

聲

大戴觀皆作占中閒一句作以其見占其隱又視聲作視中

四曰民有五氣喜

怒欲懼憂

大戴作五性

喜氣內蓄雖欲隱之陽喜必見怒

氣內蓄雖欲隱之陽怒必見欲氣懼氣憂悲之氣皆

隱之陽氣必見五氣誠于中發形于外民情不可隱

也喜色猶然以出怒色薦然以侮欲色嫗然以愉懼

色薄然以下憂悲之色瞿然以靜

大戴猶作由盧注云當為油又出作

生薦作拂愉作愉惠云愉愉通又瞿作瞿誠智必有難盡之色誠仁必有

可尊之色誠勇必有難懼之色誠忠必有可新之色

舊本作誠勇必有可新之色脫八字誠潔必有難汗

之色誠靜必有可信之色質浩然固以安偽蔓然亂

以煩雖欲改之中色弗聽此之謂觀色舊本靜字作方圍今据大

戴補質字偽字下大戴皆有色字浩作皓蔓作縵改作故盧注云言雖欲故隱之於中而無柰色見於外

五曰民生則有陰有陽人多隱其情節其偽以攻其

名大戴此句上一句有有隱於仁賢者大戴賢作質下同有隱於

智理者有隱於文藝者有隱於廉勇者有隱於忠孝

者此句舊脫有隱於交友者如此不可不察也小施

据大戴補

而好德與得同大戴小讓而爭大好大戴作而言願以

為質願當與愿同盧注偽愛以為忠偽舊作空圍据

戴有面寬而貌慈尊其得以改其名大戴作故其行

假節以示之二句是行如此隱於仁賢者也前總唱功一本作切案

云故為字有推前惡忠府知物焉首成功少其所慮誠弗及

不足十六字惡一作恃與此文義皆難曉此下大戴有故自順

佯為不言內誠不足色示有餘此下大戴有莫此隱於智理者

而不讓措辭而不遂知其情一句也動人以言竭而弗終大戴作涉問則不對佯為不

窮口貌而有餘大戴作色假道而自順因之口初窮

則託深大戴作用之如此者隱於文藝者也口言以

為廉大戴言以為氣矯厲以為勇內恐外誇亟稱其說大戴

作內恐外粹敬再其說王懷祖謂敬再乃苟冉之訛

苟讀若亟冉古稱字文昭案外粹乃外誇之訛或改

粹為粹非敬亦亟之訛形相近亟欺冀反以詐臨人

如此隱於廉勇者也自事其親而好以告人大戴又有乞言

勞醉而面於飾其見物此下大戴又有故得不誠於

內發名以事親自以名私其身大戴作伐名以事其

其名以私其身案發與伐如此隱於忠孝者也比周

同此作發大戴多作伐字以相譽此句上大戴有陰行知賢可徵而左右不同

而交交必重己心說而身弗近身近而實不至懼不

盡見於衆而貌克

己字身近字舊皆作方圍今依大戴補又而實不至下有而懼忠不

盡一句又此懼不如此隱於交友者也此之謂觀隱

二字亦作懼忠者字舊脫六曰言行不類終始相悖此下大戴有陰陽克易一句

外內不合雖有假節見行曰非成質者也大戴假作

言忠行夷爭靡及私口弗求及情忠而寬貌莊而安

曰有仁者也大戴云其言甚忠其行甚平其志無私施不在多靜而寡類莊而安人曰有仁

心者事變而能治效窮而能達此句上大戴有物善而能說一句又效作

浚措身立方而能遂曰有知者也大戴有知作廣知少言以

行恭儉以讓有知而言弗發有施而口弗德大戴作有知而

不伐有施而不曰謙良者也微忽之言久而可復幽

聞之行獨而弗克言字行字舊其行亡如存大戴作行其亡



如其存曰順信者也貴富恭儉而能施嚴威有禮而不

驕曰有德者也隱約而不懼安樂而不奢勤勞而不

變喜怒而有度曰有守者也直方而不毀廉潔而不

戾彊立而無私曰有經者也大戴有經虛以待命大戴

作正靜以待命不召不至不問不言言不過行行不

過道曰沈靜者也忠愛以事親驩以盡力而不回敬

以盡力而不口曰忠孝者也大戴作歡欣以敬之盡

故名不生焉初學記引周書亦作歡以敬之盡力而

不固敬以安之案回與固皆面之訛卽上文所云面

於敬愛是也缺處疑合志而同方共其憂而任其難

行忠信而不疑口隱遠而不舍曰交友者也口大戴是迷字

志色辭氣其人甚偷進退多巧就人甚數

案此處脫落甚多大

戴云心色辭氣其入人甚偷進退工故其與人甚巧其就人甚速其叛人甚易曰位志者也飲食以親貨賄以交接利以合故得望譽征利而依隱於物曰貪鄙者也又下段首有質不斷一句辭不至

少其所不足謀而不已曰偽詐者也言行亟變從容

克易好惡無常行身不篤曰無誠者也

大戴克易作謬易不篤作

不類又無誠下有志字

少知而不大決少能而不大成規小物

而不知大倫曰華誕者也

大戴少俱作小又規作顧倫作論古倫論通用下又

有亟變而多私一句規諫而不類道行而不平曰竊名者也故

曰事阻者不夷時口者不回

大戴作喻鬼者不仁

面譽者不忠

舊作果敢者也訛今依大戴改

飾貌者不靜假節者不平多私者不

義揚言者寡信此之謂揆德

靜大戴作情古通用表  
記文而靜鄭云靜或爲

情又案此下太戴尚有數百字周書闕文也今錄於  
此以備考云王曰太師女推其往言以揆其來行聽  
其來言以省往行觀其陽以考其陰察其內以揆其  
外是故隱節者可知偽飾無情者可辨質誠居善者  
可得忠惠守義者可見也王曰於乎敬哉女何慎乎  
非心何慎乎非人人有六徵六徵既成以觀九用九  
用既立一曰取平仁而有慮者二曰取慈惠而有理  
者三曰取直愨而忠正者四曰取順直而察聽者五  
曰取臨事而絜正者六曰取慎察而絜廉者七曰取  
好謀而知務者八曰取接給而廣中者九曰取猛毅  
而度斷者此之謂九用也平仁而有慮者使是治國  
家而長百姓慈惠而有理者使是長鄉邑而治父子  
直愨而忠正者使是莅百官而察善否慎直而察聽  
者使是長民之獄訟出納辭令臨事而絜正者使是  
守內藏而治出入慎察而絜廉者使是分財臨貨主  
賞賜好謀而知務者使是治壤地而長百工接給而  
廣中者使是治諸侯而待賓客猛毅而度斷者使是  
治軍事爲邊境因方而用之此之謂官能也九用有

徵乃任七屬一曰國則任貴二曰鄉則任貞三曰官  
則任長四曰學則任師五曰族則任宗六曰家則任  
主七曰先則任賢正月王親命七屬之人曰於乎慎  
維深內觀民務本慎在人女平心去私慎用六證論  
辨九用以交一人予亦不私女廢朕命亂我法罪  
致不赦三戒然後及論王親受而考之然後論成

### 王會解第五十九

成周之會墀上張赤帟陰羽

**注**

王城既成大會諸侯

及四夷也除地曰墀帟帳也陰鶴也以羽飾帳也天

子南面立纁無繫露朝服八十物搢珽

**注**

繫露冕之

所垂也所尊敬則有焉八十物大小所服搢插也珽

笏也

王伯厚本  
作珽似笏

唐叔荀叔周公在左太公望在右皆

纁亦無繫露朝服七十物搢笏天子而立於堂上

**注**唐荀國名皆周成王弟故曰叔翬謂差在後也近

天子故其冕亦無旒也堂下之右唐公虞公南面立

焉**注**唐虞二公堯舜後也堂下之左殷公夏公立焉

皆南面纔有繁露摺笏五十物皆摺笏**注**杞宋二公

冕有繁露摺笏則唐虞同也爲諸侯之有疾病者

趙云

下文有之此處疑衍阼階之南祝淮氏榮氏次之珪瓚次之皆

西面彌宗翬之**注**淮榮二祝之氏也彌宗官名次珪

瓚南差在後惠云大戴公符有祝雍此淮字與相似

文昭案雍爲名淮爲氏不必一人俗間木脫珪瓚次之四字上本有之爲諸侯有疾病者之

王本翬之作之翬當是誤倒

醫藥所居**注**使儲左右召則至也相者太史魚大行

人皆朝服有繁露注魚太史名及大行人皆讚相賓

客禮儀也堂下之東面郭叔掌爲天子棊幣焉纒有

繁露注郭叔號叔文王弟棊錄諸侯之幣也內臺西

面正北方應侯曹叔伯舅中舅注內臺中臺也應侯

成王弟曹叔武王弟皆國名爲諸侯二舅成王之舅

姜兄弟也內臺西面下俗間本有者字注脫曹叔以下二十一字皆從王本刪增比服

次之要服次之荒服次之西方東面正北方伯父中

子次之注此要服於比服轉遠故殊其名非夷狄之

四荒也伯父姬姓之國中子於王子中行者也王云中子

王之支子文昭案舉伯父可以包叔父中子則仲叔季弟之倫也方千里之內爲比

服方二千里之內爲要服方三千里之內爲荒服是

皆朝於內者

**注**

此服名因於殷非周制也

俗閒本首句內作外

又二千脫二字今皆從王本改

堂後東北爲赤帑焉浴盆在其中

**注**

雖不用而設之敬諸侯也其西天子車立馬乘六青

陰羽鳧旌

**注**

鶴鳧羽爲旌旄也中臺之外其右泰士

臺右彌士

**注**

外謂臺之東西也外臺右泰士右彌士

言尊王泰彌相儀之士也

右泰士之右或疑左謝云文云中臺之外其右泰士

則在臺之前下云臺右側旁臺而立者上右字不必疑是左字王云泰士蓋上士彌士蓋中士下士惠云

泰士理官文弼案彌如彌甥之彌王說是也

受贄者八人東面者四人

**注**

受賓幣士也四人東面則西面四人也陳幣當外臺

天予毳宗馬十二

**注**

陳東帛被馬於外臺天予黑毳

宗尊也

毳俗本作獻獻字無攷今從王本卜本注作天予黑也毳屬也案王本不如是今不從

王予繚璧綦十二

**注**

此下三璧皆玉予繚謂以黑組

紐之綦玉名有十二也

璧綦俗本作碧基從王本改

參方予繚璧

豹虎皮十二

**注**

參方陳幣三所也璧皮兼陳也四方

予繚璧琰十二

**注**

琰珪也有鋒銳陳之四所方列之

也外臺之四隅張赤帟為諸侯欲息者皆息焉命之

曰交閭

**注**

每角張帟息者隨所近也諸侯稱交也

正文

四隅下王本有每隅二字注舊脫帟字今增末句未詳

周公旦主東方所之青

馬黑毳謂之母兒

**注**

周公主東方則太公主西方東



青馬則西白馬矣馬名未聞

王曰鬪即鬪字

其守營牆者衣

青操弓執矛

**注**

戟也方各異

案此東方也故衣青操弓執矛餘方則各異矣

注以戟爲矛若依淮南子則春矛夏戟有別也舊作各異方詛王本作名異無方字亦非是

西面

者正北方稷慎大塵

**注**

稷慎肅慎也貢塵似鹿正北

內臺北也穢人前兒前兒若彌猴立行聲似小兒

**注**

穢韓穢東夷別種良夷在子口身人首脂其腹

炙之霍則鳴曰在子

**注**

良夷樂浪之夷也貢奇獸

王口

本作幣亦云疑又

揚州禺禺魚名解險冠

**注**

亦奇魚

霍作藿云豆葉 王云說文鱮魚名皮有文出樂浪東瞻神爵四年

也初捕收輪考工周成王時揚州獻鱮魚容切舊本 險冠作險寇王本及路 發人麋麋者若鹿迅走

**注** 發

史皆作險冠亦見下文

亦東夷迅疾

發北發也兩廡字從史記索隱舊本作兩鹿字王本作鹿人鹿人皆非

俞

人雖馬

**注**

俞東北夷雖馬騫如馬一角不角者曰騏

騫爾雅作騏

青丘狐九尾

**注**

青丘海東地名周頭輝羗輝

羗者羊也

**注**

周頭亦海東夷

羗即羗字

黑齒白鹿白馬

**注**

黑齒西遠之夷也貢白鹿白馬白民乘黃乘黃者似

騏背有兩角

**注**

白民亦東南夷

郭璞注山海經李善注文選皆云似狐

東越海蜃

**注**

東越則海際蜃文蜃

蜃即蛤字李善注文選作東越侮食

形近而訛歐人蟬蛇蟬蛇順食之美

**注**東越歐人也比交

州蛇特多爲上珍也

王本歐作甌注同注所云比者猶言近來王本無比字又少特

多也三於越納

**注**

於越越也

舊本正文句首有姑字因下而衍王云納謂納

貢舊本脫注王本有之謝云於越納當 連下文其姑妹且甌共海陽皆地名 姊妹珍注 姑

妹國後屬越妹從末亡結反 且甌文蜃注 且甌在越

文蜃大蠃也注文字王 其人予貝注 其人吳越之蠻

予貝班貽貝也海陽大蟹注 海水之陽一蟹盈車自

深桂注 自深亦南蠻也謝云自深 會稽以鞞皆面嚮

注 其皮可以冠鼓自大塵已下至此向西面也鞞即

正北方義渠以茲白茲白者若白馬鋸牙食虎豹注

亦在臺北與大塵相對義渠西戎國茲白一名駿央

林以酋耳酋耳者身若虎豹尾長參其身食虎豹注

央林戎之在西南者央林一作英林王云書大傳散

宐生之於陵氏取怪獸曰虞所

說與此畧同於陵英林音相近文昭案郭璞注海內  
北經引此作夾林酋耳酋耳若虎尾參於身食虎豹  
夾字恐誤

北唐以閭閻似險冠

**注**

北唐戎之在西北者射

禮以閭象爲射器

北唐下有戎字衍郭注北山經引無戎字

渠叟以鼯犬

鼯犬者露犬也能飛食虎豹

**注**

渠叟西戎之別名也

案廣韻鼯比教切能飛食虎豹之屬正此是也說文鼯胡地風犬王本從李善注文選作鼯云一作鼯之若切案鼯乃小鼠李樓煩以星施星施者珥旄

**注**樓

煩北狄地施所以爲旄羽珥

李善注甘泉賦流星旄以電燭引樓煩星旄星

旄者羽旄也北堂書鈔百二十引作樓煩黑旄鳧羽旗也恐訛

牛之小者也

**注**

卜盧盧人西北戎也今盧水是

統字舊脫

初學記有之又見李善注或誤作統王云統與綵同詩有捄其角捄曲貌穀梁傳觚角注球球然角貌

區陽以鼈封鼈封者若彘前後有首注區陽亦戎之

名舊本鼈封不重今從規規以麟麟者仁獸也注規

規亦戎也麟似鹿牛尾一角馬蹄也舊規規詭規矩又脫一麟字仁

從王本字今皆西申以鳳鳥鳳鳥者戴仁抱義掖信注其形

似雞蛇首魚尾戴仁向仁國抱義懷有義掖信歸有

信也舊本掖信下衍歸有德三字注作歸有德之君也亦衍誤今皆從王本似雞一作似鶴案郭注

其狀如雞山海經亦云氏羌以鸞鳥注氏羌地羌不同故謂之

氏羌今謂之氏矣鸞大於鳳亦歸於仁義者也氏舊作丘

易與互混故改從今字注首舊作氏地之羌不同巴人以比翼鳥注巴人在

南者比翼鳥不比不飛其名曰鸚鵡王本脫方煬以

皇鳥注方煬亦戎別名皇鳥配於鳳者也方煬一蜀

人以文翰文翰者若臯雞注鳥有文彩者臯雞似鳧

冀州謂之澤特也王云臯一作皇方人以孔鳥注方人亦戎

別名孔與鸞相配者舊配作匹卜人以丹沙注卜人西南

之蠻丹沙所出卜即濮也沙今作砂夷用闖木注夷東北夷也

木生水中色黑而光其堅若鐵集韻闖茲消切木名康民以桴

苾桴苾者其實如李食之宐子注康亦西戎別名也

食桴苾卽有身王本作康人洪本桴作稗詔州靡費費其形人身

反踵自笑笑則上脣翕其目食人北方謂之吐嚙注

州靡北狄也費費曰梟羊好立行如人被髮前足指

長王云反踵一作枝踵 說文吐嘍作土螻 都郭生生欺羽生生若黃狗

人面能言注都郭北狄生生獸名山海經注都郭作鄭郭生生一作狴

狴狴奇幹善芳善芳者頭若雄雞佩之令人不昧皆東

嚮注奇幹亦北狄善芳鳥名不昧不忘也此東向列

次也郭注西山經引昧作昧莫禮 北方臺正東高夷

嗛羊嗛羊者羊而四角注高夷東北夷高句驪獨鹿

邛邛距虛善走也注獨鹿西方之戎也邛邛獸似距

虛負蟹而走也此正文似本無距虛二字爾雅邛邛

虛注於邛邛則云似距虛於距虛則云野獸則知邛

邛下距虛二字乃後人以所習聞妄增入耳且於注  
中獸似下又增一鼠字則下距虛二字反贖孤竹距  
矣故知此不與爾雅及呂氏春秋所說同也

虛注孤竹東北夷距虛野獸驢騾之屬不令支彖獾

注不令支皆東北夷獾白狐彖則黑狐案漢志遼西郡有令

支縣卽其地也疑不字及注中皆字竝衍否則不字當爲發聲注乃誤耳不屠何青熊注

不屠何亦東北夷也東胡黃熊注東胡東北夷山戎

戎菽注山戎亦東北夷戎菽巨豆也其西般吾白虎

注次西也般吾北狄近西也鄭志引王會白虎黑屠文今本皆闕二字

州黑豹注屠州狄之別也王本也禹氏駒駘注禹氏

西北戎夷駒駘馬屬王作馬大夏茲白牛茲白牛野

獸也牛形而象齒注大夏西北戎茲白牛野獸似白

牛形舊本正文止大夏茲白牛五字下十一字誤入注中惠據洪本增入正文與初學記正同今從



之犬戎文馬文馬赤鬣縞身目若黃金名古黃之乘

**注**犬戎西戎之遠者文馬說文作馮古黃作吉皇海內北經注引作吉黃此從舊本

作古黃與初學記所引亦合數楚每牛每牛者牛之小者也**注**數

楚亦北戎也西山經黃山有獸如牛而蒼黑大目其名曰犛郭音敵畢云廣韻音切同美與

此每牛正合 匈奴狡犬狡犬者巨身四足果皆北嚮**注**匈

奴馘北戎也梁云四足果蓋足短之稱若果下牛果下馬矣注馘字舊闕今從王本補當謂

也 斥鹵 權扶玉目**注**權扶南蠻也玉目玉之有光明者

形小也白州比閭比閭者其華若羽伐其木以爲車

終行不敗**注**白州東南蠻與白民接也水中可居曰

州州中出此珍木禽人管**注**亦東南蠻管草堅忍讀

爲韋路人**大竹**注路人東南蠻貢大竹長沙鼈注特大

而美故貢也其西魚復鼓鐘鐘牛注次西列也魚復

南蠻國貢鼓及鐘而似牛形者美遠致也王云鐘蠻牛未詳蠻

揚之翟注揚州之蠻貢翟鳥倉吾翡翠翡翠者所以

取羽注倉吾亦蠻也翠羽其色青而有黃也其餘皆

可知自古之政注餘謂衆諸侯貢物也言政化之所

致也南人至衆皆北嚮注南人南越至衆王本作致衆者

伊尹朝獻商書注不周書錄中以事類來附此十字本孔注

舊誤作正文而以王注言別有此書也注商書下湯以王會俱朝貢事故令附合注此十字下失之矣湯

問伊尹曰諸侯來獻或無馬牛之所生而獻遠方之

物事實相反不利

**注**

非其所有而當遠求於民故不

利也

王本馬牛倒注於民作其民

今吾欲因其地勢所有獻之必

易得而不貴其爲四方獻令

**注**

制其品服之令

王本無必

字下不字作必似詛

伊尹受命於是爲四方令曰臣請正東符

婁仇州伊慮漚深九夷十蠻越漚鬻髮文身

**注**

九十

者東夷蠻越之別稱鬻髮文身因其事以名也

王本無於

是二請令以魚皮之鞞口鰓之醬鮫厥利劍爲獻

**注**

鞞刀削鰓魚名厥盾也以鮫皮作之鮫文魚也

魚皮舊作

魚支今從洪本王本口疑是鳥

正南甌鄧桂國損子產里百濮九菌

**注** 六者南蠻之別名

王云里一作重

請令以珠璣瑋瑁象齒

文犀翠羽菌鶴短狗爲獻璣似珠而小菌鶴可用

爲旌翳短狗狗之善者也短狗王本作矩狗蓋因注云狗之善者故以爲當作

矩耳考唐幽州昭仁寺碑有云豈止菌鶴短狗西正鱓東鏢之貢而已哉正用此文則作短狗爲是

西昆侖狗國鬼親枳已闌耳貫胸雕題離漆齒

九者西戎之別名也闌耳貫胷雕題漆齒亦因其事

以名之也後漢書注引狗國作狗骨又引離請令以上作雕上李善注作離身染齒

丹青白旄紕罽江歷龍角神龜爲獻江歷珠名龍

解角故得也後漢書西南夷傳并驪夷其人能作筆

紕氏罽也音卑疑反筆卽紕也正北空同大夏莎車姑他旦略豹胡

代翟匈奴樓煩月氏蠟犁其龍東胡十三者北狄

之別名也代翟在西北界戎狄之間國名也

王云代一作戎

請令以橐駝白玉野馬駒駮駮騏良弓爲獻湯曰善

案博物志引周書西域獻火浣布昆吾氏獻切玉刀亦當在此篇中今缺

逸周書卷第七